

摛藻堂四庫全書薈要

集部

欽定四庫全書叢要

集部

御定詠物詩選卷八至十

詳校官原任事
臣李斯咏

欽定四庫全書薈要卷一萬八千六百三十

集部

御定佩文齋詠物詩選卷八

雲類

四言古

卿雲歌

古逸詩

卿雲爛子紹縵綬子日月光華旦復旦子

吹雲贊

魏
曹植

天地變化是生神物吹雲吐潤浮氣翁鬱

卿雲贊

宋武帝

非煙非雲曳紫流光懸華曜藻奄欝臺堂輿予休明震
乎珍祥積慶有文靈貺無疆

慶雲章

唐 陳子昂

崑崙元氣實生慶雲大人作矣五色氤氳昔在媯帝南
風既薰叢芳爛熳郁郁紛紛曠矣千祀慶雲來止玉葉
金枝祚我天子非我天子慶雲誰昌非我聖母慶雲誰
光慶雲光矣周道昌矣九萬八千天授皇年

雲門二章

唐元結

元雲溶溶兮垂雨濛濛類我聖澤兮涵濡不窮

其二

元雲漠漠兮含映逾光類我聖德兮普被無方

五言古

詠雲

梁簡文帝

浮雲舒五色瑪瑙應霜天玉葉散秋影金風飄紫煙

和王中書德充詠白雲

梁沈約

白雲自帝鄉氤氳屢迴沒蔽虧崑山樹含吐瑤臺月秋
風西北起飄我過城闕城闕已參差白雲復離離皎潔
在天漢倒影入華池將過丹丘野時至碧林垂九重迎
飛鵠萬里送翔鶴

詔問山中何所有賦詩以答

梁

陶弘景

山中何所有嶺上多白雲只可自怡悅不堪持寄君

詠雲

梁吳均

飄飄上碧虛藹藹隱青林氤氳如有意縈拂詎無心

賦得新雲

陳張正見

西北春雲起遙臨。偃蓋松根危。纔吐葉氣淺。未成峰。風前飛未斷。日處影疑重。體輕無五色。詎是得從龍。

賦得白雲臨酒

張正見

白雲蓋濡水流彩。入澠川。疎葉臨嵇竹。輕鱗入鄭船。漪金枝下峰。斷玉山前一朝開。五色飄飄映十千。

賦得處處春雲生

陳蔡凝

春色徧空明。春雲處處生。入風衣暫斂。隨車蓋轉輕。作

葉還依樹為樓欲近城含愁上對影似有別離情

賦得含峰雲

唐太宗

翠樓含曉霧蓮峰帶晚雲玉葉依巖聚金枝觸石分橫天結陣影逐吹起羅紋非復陽臺下空將頌楚君

詠雲

唐于季子

瑞雲千里映祥輝四望新隨風亂鳥翼汎水結魚鱗布葉疑臨夏開花詎待春願得承佳景無令掩桂輪

雲

唐李嶠

大梁白雲起氛氲殊未歇錦文觸石來蓋影凌天發烟
煴萬年樹掩映三秋月會入大風歌從龍赴圓闕

賦得白雲抱幽石

唐駱賓王

重巖抱危石幽澗曳輕雲繞鎮仙衣動飄蓬羽蓋分錦
色連花靜苔光帶葉薰詎知吳會影長抱穀城文

賦得日暮碧雲合

唐許康佐

日際微陰生天涯暮雲碧重重初似蓋沈沈乍如積林
色黯疑暝隙光俄已夕出岫且從龍繁空寧觸石餘輝

淡瑤草浮影凝綺席時景儻能閑幾思輕尺璧

觀雲篇

唐 刘禹錫

興雲感陰氣疾足如見幾晴來意態行有若功成歸蕙
龍含晚景潔素凝秋輝夜深度銀漢漠漠仙人衣

谿雲

唐 僧皎然

舒卷意何窮縈流復帶空有形不累物無迹去隨風莫
怪長相逐飄然與我同

孤雲

元 劉因

孤雲生幾時冉冉何所適
宣無崑華高道遠嗟獨力徘徊
天中央明月為顏色下有幽棲士
歲晏倚青壁朝飲澗下泉暮拂松間石
相對澹忘情倒景寒潭碧

春雲

元 馬祖常

高雲起城闕流離度庭樹依風拂迴塘
波纈光景注遙林帶踈煙照日亂繁縷
婉孌浮朝陽空明映輕霧嵐翠含玉輝
光采滿巖嶼逍遙幽賞諧緬邈世娛阻

題李溉之學士白雲半間

元 虞集

山中多白雲何由到城邑招之恐不來欲攬遽無迹棲
檐候晨光納牖作秋色用冲不為盈常住寧為客分張
任蒼松散落還白石日照香爐峰月射仙掌側有恩封
一鄉與子當共食

望雲

元 黃石翁

日出五丈高白雲浩如海城郭在雲中山人在雲外望
雲雲氣深入雲雲氣淺亦欲入深雲不知雲近遠

七言古

附長短句

雪祭歌

齊 謝 洄

族雲翁鬱鬱溫風扇興雨祁祁黍苗徧

同李九士西日觀畫壁雲作

唐 高適

始知帝鄉客能畫蒼梧雲秋天萬里一片色只疑飛盡
猶氛氲

火山雲歌送別

唐 岑 參

火山突兀赤亭口火山五月火雲厚火雲滿山凝未開
飛鳥千里不敢來平明乍逐邊風斷薄暮渾隨塞雨回

繚繞斜吞鐵關樹
氛氲半掩交河戍
迢迢征路大山東

山上孤雲隨馬去

白雲歌送劉十六歸山

唐
李白

楚山泰山皆白雲
白雲處處長
隨君君入楚山裏
雲亦隨君渡湘水
湘水上女蘿衣
白雲堪卧君早歸

題春雲出谷圖

金
党懷英

春雲乍出山有無
春雲已去春山孤
山光空濛不可寫
正要雲氣相縈紜
山吞雲吐變明晦
半與巖谷生朝晡

輕陰霏霏暗谿樹餘影漠漠開樵居舟人艤棹竝沙尾
坐看縹渺搖空虛巧分天趣出畫外韻遠不與丹青俱
今人重古不知畫但愛屋漏煙煤污惜哉東坡不及見
此本獨有疊嶂烟江圖

龍井曉雲

元 胡炳文

華光殿東泉有靈下穴空洞神功冥當時忽見蒼虯精
年年簫鼓來相迎五風十雨今年好靈物不煩人致禱
非烟非霧騰清晨五色祥光煥晴昊

白雲軒

明 刘溥

山中多白雲
天上多清風
清風鮮炎熱
白雲自西東
江頭坐看雲
起處一片從
龍天上去化為
甘雨潤枯苗
不作繁陰宿高樹
清風泠泠吹我衣
還送白雲天上飛
天香不斷瑤草碧
何處玉笙騎鶴歸

五言律

雲

唐

李 嶠

英英大梁國
郁郁祕書臺
碧落從龍起
青山觸石來
官

名光遂古蓋影耿輕埃飛感高歌發威加四海迴

賦得雲生棟梁間

唐陳希烈

一片蒼梧意氤氳生棟梁下簾山足暗開戶日添光偏使衣裘潤能令枕簟涼無心伴行雨何必夢荆王

雲

唐杜甫

龍以腥塘會江依白帝深終年常起峽每夜必通林
濩辭霜渚分明在夕岑高齋非一處秀色豁煩襟

和中書侍郎院壁畫雲

唐李叔

粉壁畫雲成如能上太清影從霄漢發光照掖垣明映
簾多幽趣臨軒得野情獨思作霖雨潤及羣生

奉和中書徐侍郎中書省翫白雲寄穎陽趙大

唐 謂光義

青闕朝初退白雲遙在天非闕取雷雨故欲伴神仙汎
灔鴛池曲飄颻瑣闈前猶多遠山意幸入侍臣篇

賦得歸雲送李友人歸華山 唐 錢起

秀色橫千里歸雲積幾重欲依毛女袖初卷少姨峰蓋

影隨征馬衣香拂卧龍祇應函谷上真氣日溶溶

詠雲

唐

李商隱

捧月三更斷藏星七夕明纔聞飄迴路旋見隔重城潭
暮隨龍起河秋壓雁聲只應惟宋玉知是楚神名

孤雲

元程鉅夫

渺渺從何起亭亭只自飛朝隨風鶴去暮逐雨龍歸幾
度超滄海多應點翠微何時能借我裁作羽人衣

江雲

明薛蕙

謝客弄春水江臯生彩雲紛紛初散綺葉葉漸成文蔽
日皆相映流風乍不分何因可持贈欲以慰離羣

五言排律

省試白雲起封中

唐 陳希烈

千年泰山頂雲起漢王封不作奇峰狀寧分觸石容為
霖雖易得表聖自難逢冉冉排空上依依疊影重素光
非曳練靈貺是從龍宣學無心出東西任所從

春雲

唐 裴澄

漠漠復溶溶乘春任所從映林初展葉觸石未成峰旭
日消寒翠晴煙點淨容霏微將似散深淺又如重薄彩
臨谿淡輕陰帶雨濃空餘負樵者嶺上自相逢

省試觀慶雲圖

唐柳宗元

設色初成象卿雲示國都九天開祕祉百辟贊嘉謨抱
日依龍袞非煙近御爐高標連汗漫回望接虛無裂素
榮光發舒華瑞色敷恒將配堯德垂慶代河圖

賦得白雲起封中

唐張嗣初

英英白雲起呈瑞出封中表聖寧因地逢時豈待風浮
光彌皎潔流影更冲融自叶堯年美誰云漢日同金泥
光乍掩玉檢氣潛通欲與非煙竝亭亭不散空

賦得青雲干呂

唐林藻

應節偏干呂亭亭在紫氣綴雲初度影捧日已成文結
蓋祥光迴為樓翠色分還同起封上更似出橫汾作瑞
來藩國呈形表聖君徘徊如有託誰道比閒雲

山出雲

唐張復

山靜雲初吐霏微觸石新無心離碧岫有意占青春散
類如虹氣輒同不讓塵凌空還似翼映澗欲成鱗起異
臨汾鼎凝隨出峽神為霖終濟旱非獨降賢人

華山慶雲見

唐失名

聖主祠名岳高峰發慶雲金柯初纏繞玉葉漸氤氳
色含珠日光明吐翠霧依稀來鶴態彷彿列仙羣萬樹
流光影千潭寫錦文蒼生欣有望祥瑞在吾君

七言律

慶雲見

唐
李紳

禮成中岳陳金冊祥報卿雲冠玉峰輕未透林疑待鳳
細非行雨詎從龍卷風變彩霏微薄照日籠光映隱重
還入九霄成沆瀣夕嵐生處鶴歸松

白石湫雲

元柳貫

白石靈山望贊皇湫潭此復見蒼蒼飄揚直欲凌三際
膚寸猶能雨八荒空外金精懸太白泉中蚪彩化長黃
傅芑奏罷神絃曲松蓋成陰澤氣涼

白石湫雲

元吳萊

獨上南山最上頭朝隣一點便成湫巖腰動石風初起
海眼輸泉雨欲流蜥蜴含珠光夜豐隆卷鐵黑沈秋
明當去挾騎龍叟直到扶桑第幾洲

瓊島春雲

明楊榮

仙島依微近紫清春光澹蕩暖雲生乍經樹杪和煙濕
輕覆花枝過雨晴每日氤氳浮玉殿當時縹渺護金壘
從龍處處施甘澤四海謳歌樂治平

瓊島春雲

明 李東陽

瑤峰獨立倚空蒼雲去雲來雨不妨旋逐春寒生范樹
更隨晴日度官牆玉皇居處重樓擁太史占時五色光
若與山龍同作繪也須能補穿衣裳

和趙庫部元實景雲篇

明 吕高

卿雲郁郁覆中天爛結紺文五色鮮光泛紫霄流鳳蓋
影隨金闕照龍旛漸看捧日歸仙掌故欲從龍輶御筵
此日仙郎揮藻賦蓬萊親獻沐恩偏

五言絕句

文杏館

唐王維

文杏裁為梁
香茅結為宇
不知棟裏雲
去作人間雨

尋隱者不遇

唐賈島

松下問童子
言師采藥去
只在此山中
雲深不知處

谿口雲

唐張文姬

一片谿口雲
纔向谿中吐
不復歸谿中
還作谿中雨

衡岳道中

宋陳與義

城中望衡山浮雲作飛蓋
謁來巖谷遊却在浮雲外

雲社

宋朱子

自作山中人即與雲為友一嘯雨紛紛無勞三奠酒

雲莊

朱子

小丘橫翠几層嶂復嵯峨
釋耒閒來看巖姿此處多

題柯敬仲雜畫

元虞集

北苑今仍在南宮奈老何
青山解浮動端為白雲多

和鐵崖小臨海

元張簡

偶坐松根石相看說大還昆侖雲一朶喚作九華山

囊雲詩

明朱權

蒸入琴書潤粘來几榻寒小齊非嶺上弘景坐相看

卧雲室

明高啓

夕卧白雲合朝起白雲開惟有心長在不隨雲去來

太和縣

明張以寧

曉挂船窗看蒼茫暝色分前山知有雨流出滿江雲

卧雲室

明謝徽

朝卧白雲東暮卧白雲西白雲長共我此地結幽棲

宿華亭寺

明楊慎

天風與海水鳴籟隔山聞夜半衣裳濕深林罩暮雲

贈楊孝父

明范汭

清時有隱者自汲還自耘翳然茅屋上一片堯時雲

閒雲

明僧大香

閒雲不作雨橫入峽山去峽口弄舟人家在雲歸處

六言絕句

題畫

元薩都拉

綠樹深藏野寺白雲影落谿船遮却青山一半只疑僧
舍茶煙

題青山白雲

元張昱

一箇茅廬何處小橋古木谿灣但見山青雲白不知天
上人間

福嚴即事

元僧善住

邨邊幾株紅樹屋外四面青山終日無人能到孤雲薄

暮飛還

七言絕句

過櫟陽山谿

唐陳羽

衆草穿沙芳色齊
踏莎行草過春谿
閒雲相引上山去
人到山頭雲却低

諷山雲

唐施肩吾

閒雲生葉不生根
常被重重蔽石門
賴有風簾能掃蕩
滿山晴日照乾坤

灞上

唐 紹干著

鳴鞭曉日禁城東渭水晴煙灞岸風却傍柳陰回首望

春天樓閣五雲中

柏林寺南望

唐郎士元

谿上遙聞精舍鐘泊舟微徑度深松青山霽後雲猶在
畫出西南四五峰

雲

唐杜牧

盡日看雲首不回無心都道似無才可憐光彩一片玉

萬里青天何處來

雲

唐來鵠

千形萬象竟還空
映水藏山片復重
無限黍苗皆望澤
悠悠閒處作奇峰

孤雲

唐張喬

舒卷因風何所之
碧天孤影勢遲遲
莫言長是無心物
還有隨龍作雨時

望雲樓

宋蘇軾

陰晴朝暮幾回新已向虛空付此身出本無心歸亦好
白雲還似望雲人

偶題

宋朱子

門外青山紫翠堆幅巾終日面崔嵬只看雲斷成飛雨
不道雲從底處來

病中絕句

宋范成大

簾頭排溜密如簾谿上層陰乍解嚴最是看山奇絕處
白雲堆絮擁青尖

雲卧菴

宋楊萬里

十年兩袖軟紅塵歸濯滄浪且幅巾不是白雲閟我住
我閟雲住卧閒身

明發龍頭

楊萬里

黑甜偏至五更濃強起侵星敢小惰輸與山雲能樣嬾
日高猶宿夜來峰

舟上

宋徐照

小船停槳逐潮還三五人家住一灣貪看曉光侵月色

不知雲氣失前山

曉雲次子端韻

金

党懷英

灤谿經雨浪生花
曉碧翻光漾曉霞
川上風煙無定態
盡供新意與詩家

山行

金
趙秉文

石頭峯確水縱橫
過雨山間草履輕
未到上方先滿意
倚天青壁白雲生

留題西谿

金

趙
楓

波光湛碧冷無痕渺渺輕風起縠紋認得朝來踈雨過

却從水底見飛雲

間立本秋嶺歸雲圖

元 鄧文原

貞觀從知有畫仙能將萬里尺圖間白雲掩映楓林好
遮却谿南無數山

贈白雲

元 虞集

白雲東去又經春每想飛鴻到水濱幾箇遮山松樹子

憑君灑雨洗埃塵

青山白雲圖

虞集

獨向山中訪隱君行從千澗去沄沄仙家更在空青外
只許人間禮白雲

宿浚儀公湖亭

元楊載

兩兩三三白鳥飛背人斜去落漁磯雨餘不遣濃雲散
猶向前山擁翠微

行界牌源道次小憩民舍

元柳貫

小谷疎林受數家年芳猶有刺桐花白雲不為青山地

截斷前峰作髻丫

層樓即事

元

薩都拉

浴罷焚香掃閣眠過牆新竹翠娟娟半空雲氣層樓暗

四月江東欲雨天

灤京雜詠

元

楊允孚

正元紫禁肅朝儀御榻中間寶帕提王母壽詞歌未徹

雪花片片彩雲低

用前韻叙山家幽寂之趣

元

葉顥

夕陽香逕逐東風短策輕扶斂落紅信步偶隨流水去
不知身到白雲中

明德游仙詞

元張雨

夜久扶桑海色分珠宮望拜赤龍君洞庭未省君山在
元是昆侖一朵雲

一峯雲外菴

元僧惟則

衲被蒙頭宿火紅雪寒愁聽上方鐘開門忽怪山為海
萬疊雲濤露一峰

宿卧雲軒

明 陳憲章

不妨到處與人羣
借宿山齋酒半醺
我得五龍傳睡法
枕痕猶帶華山雲

題畫

明 文徵明

遇雨空林萬壑奔
夕陽野色小橋分
春山何似秋山好
紅葉青山鎖白雲

題畫

明 王璲

渡頭初唱采蓮歌
南浦西風漲綠波
正是晚涼新雨後

青山不似白雲多

西清詞

明黃佐

碧殿崢嶸槧泰清飈臺時送步虛聲流鈴擲火飛章地
一片雲遮翡翠城

其二

輦道陰森萬柳齊水晶簾幙動晴霓六龍行處金蜩合
冉冉紅雲閥苑西

同朝天宮道士朝回口號

明

僧來復

羽仙飛佩曉泠風禪子金欄映日紅共祝太平朝帝闕
蓬萊兜率五雲中

山居

明 僧德清

平湖秋水浸寒空古木霜餘落葉紅石逕小橋人迹斷
一菴深鎖白雲中

祇樹菴

明 僧洪恩

竹映窗前水漱門數聲幽鳥報朝昏行來恐踏苔痕破
目送山雲過遠郊

御定佩文齋詠物詩選卷八

欽定四庫全書
欽定佩文齋詠物詩選卷九

御定佩文齋詠物詩選卷九

霞類

五言古

早望海邊霞

唐
李 白

四明三千里朝起赤城霞日出紅光散分輝照雪崖一
餐噉瓊液五內發金沙舉手何所待青龍白虎車

曉發飛鳥驛晨霞滿天少刻大雨吳謌云朝霞

不出門暮霞行千里驗之信然戲紀其事

宋范成大

朝霞不出門暮霞行千里今晨日未出曉氣散如綺心
疑雨再作眼轉雲四起我豈知天道吳農諺云爾古來
占滂沱說者類恢詭飛雲走羣羊停雲浴三豕月當天
畢宿風自少女起爛石燒成香汗礎潤如洗逐婦鳩能
拙穴居狸有智蜉蝣強知時商羊與聞計塗鳴東山鶯
堂審南柯蟻或加陰石鞭或議陽門閉或云逢庚變或

自換甲始刑鷺與象龍聚訟非一理不如老農諺響應
捷如鬼噭詩敢夸博聊用醒午睡

五言律

江霞

明

薛蕙

春江變氣候孤嶼發雲霞散影搖青草流文漾碧沙紅
泥迷燕子丹洞失桃花水宿淹晨暮應懷謝永嘉

七言律

霞

唐韓琮

應是行雲未擬歸，變成春態媚。晴暉深如綺，色斜分閣碎似花光散。滿衣天際欲銷重，慘淡鏡中閒。照正依稀曉來何處低，臨水無限鴛鴦妒。不飛

飛霞樓

元
朱德潤

綺結飛霞散，滿空闌干高。倚夕陽中，冲融畫錦橫。窗碧絢爛，晴光入座紅。宛有霓旌來漢表，直疑蜃氣出城東。樓居自是神仙宅，不待乘槁躡彩虹。

五言絕句

丹霞塢

明 高 啓

遙聞丹霞塢中有餐霞者絳彩發朝朝還同赤城下

和陳伯孺西湖

明

柳應芳

偶向武林遊曾於天竺住明日欲離山晴霞故變雨

錢幼卿朝霞館詩

明

僧通凡

遠樹無煙時前山未雲起晞髮臨東軒衣裳半身紫

七言絕句

臨海所居

唐

顧况

此去臨谿不是遙樓中望見赤城標不知疊嶂重霞裏
更有何人度石橋

舟次龜湖阻水因遊董山

宋朱槔

拂拂朝霞到客舟苦疑雨意在鳴鳩好峰天半元相識
且作僧牀挾策遊

晚霞

宋朱子

日落西南第幾峰斷霞千里抹殘紅上方傑閣憑闌處
欲盡餘暉怯晚風

遊百家巖雜詩

元王 恽

月池懸溜落蒼窪
巖竇分居可百家
不羨碧瀾秋色好
倚天驚絕赤城霞

小遊仙

明王 澤

東度扶桑看日華
却隨王母借飈車
夜涼海色平如掌
倒看青天起赤霞

漫成

明韓邦靖

漆沮河邊兩岸沙
遶隄十里盡桃花
春風縱使隨流水

落日猶堪鬪彩霞

御定佩文齋詠物詩選卷九

欽定四庫全書叢要卷一萬八千六百三十二

集部

御定佩文齋詠物詩選卷十

雨類

三言古

雪祭歌

齊

謝朓

有渰興膚寸積雨冥冥又終夕

四言古

奉和聖製喜雨

唐

張九齡

艱我稼穡載育載亨隨物應之曷聖與靈謂我何憑惟
德之馨誰云天遠以誠必至太清無雲羲和頓轡于斯
蒸人瞻彼非覩陰冥倏忽需澤咸洎何以致之我后之
感無旱無隰黍稷黯黯無卉無木敷芬熙熙黃龍勿來
鳴鳥不思人和年豐皇心則怡豈與周宣雲漢徒詩

五言古

喜雨詩

魏
曹植

天覆何彌廣苟育此羣生棄之乃憔悴惠之則滋榮慶

雲從北來鬱々西南征時雨中夜降長雷周我庭嘉種

盈膏壤登秋必有成

喜雨

宋謝莊

燕起知風舞礎潤識雲流冽泉承夜湛零雨望晨浮合
頽行盛茂分穗方盈疇

喜雨

宋謝惠連

朱明振炎氣溽暑扇溫颺羨彼明月輝離畢經中宵思
此西郊雲既雨盈崇朝上天憫憔悴商羊自吟謠

賦得入階雨

梁簡文帝

細雨階前入灑砌復沾帷漬花枝覺重濕鳥羽飛遲儻
令斜日照併欲似游絲

細雨

梁元帝

風輕不動葉雨細未沾衣入樓如霧上拂馬似塵飛

和皇太子春林晚雨

梁劉孝威

雲樹交為密雨日共成虹雷舒長男氣枝搖少女風葉
珠隨滴水簷繩下溜空蝶鴟飛不颺花沾色更紅明離

信養德能事冠春宮誰堪偶鳳吹惟有浮丘公

擬雨詩

梁虞騫

清風送涼氣薄暮蕩炎氛虹照連漪水電出嵯峨雲落
暉散長足細雨織斜文

對雨

梁朱超

當夏苦炎埃習靜對花臺落照依山盡浮涼帶雨來重
雲吐飛電高棟響行雷灑樹輕花發滴沼細萍開汎沫
繁階草奔流起砌苔無因假輕蓋徒然想上才

閒居對雨

陳陰鏗

蘋藻降靈祇聰明諒在斯觸石朝雲起從星夜月離八
川奔巨壑萬頃溢澄陂綠野含膏潤青山帶濯枝嘉禾
方合穎秀麥已分歧寄語紛綸學持竿詎必知

對雨

北齊

劉遨

重輪宵離畢行雨旦浮空細落疑含霧斜飛覺帶風濕
槐仍足綠沾桃更上紅無由似玄豹縱意坐山中

賦得微雨從東來應教

隋諸葛穎

微雨閣東峰散漫灑長松
澗滿新流濁山沾積翠濃風
起還吹燕雲來本送龍登年隨玉燭名山定可封

詠雨

唐太宗

和風吹綠野梅雨灑芳田新流添舊澗宿霧足朝煙鴈
濕行無次花沾色更鮮對此欣登歲披襟弄五絃

發營逢雨應詔

唐虞世南

豫遊欣勝地皇澤乃先天油雲陰御道膏雨潤公田龍
麥霑逾翠山花濕更然稼穡良所重方復悅豐年

李士曹廳對雨

唐 錢 起

春雨暗重城
訟庭深更寂
終朝人吏少
滿院煙雲集
濕鳥壓花枝
新苔宜砌石
掾曹富文史
清興對詞客
愛爾蕙蘭叢
芳香飽時澤

喜雨

唐 戴叔倫

閒居倦時燠
開軒俯平林
雷聲殷遙空
雲氣布層陰
川上風雨來
灑然滌煩襟
田家共歡笑
溝澗亦已深
團團聚鄰曲
斗酒相與斟
樵歌野曲中
漁釣滄江潯
蒼天暨

有念悠悠終我心

郡中對雨贈元錫兼簡楊凌

唐

韋應物

宿雨冒空山寒城響秋葉沈沈暮色至淒淒涼氣入蕭
條林表散的驟荷上集夜霧著衣重新苔侵履濕遇茲
端居日賴與嘉賓接

對雨寄韓庫部協

唐

韋應物

颯至池館涼靄然和曉霧蕭條集新荷氤氳散高樹閒
居興方澹默想心已屢暫出仍濕衣况君東城住

開元寺樓對雨聯句

唐陸龜蒙
皮日休

海上風雨來，掀轟逐飛電。
登樓一凭檻，滿眼蛟龍戰。
龜
細灑心空冷，橫飄目能眩。
垂檐珂珮喧，搘瓦珠璣濺。
休
遙瞻山露色，漸覺雲成片。
遠樹欲鳴蟬，深簾尚藏燕。
龜
殘雷隱轡，盡反照依微見。
日休疎帆逗前渚，晚磬分涼殿。
龜
畢景好疎吟，餘涼可清晏。
日休

客舍聽雨

宋朱子

沈沈蒼山郭，暮景含餘清。
春靄起林際，滿空寒雨生。
投

裝即虛館檐響通夕鳴遙想山齋夜蕭蕭木葉聲

對雨

朱子

虛堂一遐矚驟雨滿空至的蹀散芳塘冥濛結雲氣勢
逐風威亂望窮山景翳煙靄集林端蒼茫欲無際涼氣
襲輕裾炎氛起秋思對此景淒淒還增冲澹意

瀟湘夜雨

元陳孚

召潭黑雲起橘州風卷沙亂雨灑蓬急驚墮牆上鴉雀
鼈互出沒暗浪鳴櫓牙漁燈半明滅濕光穿蘆花

雨中留徐七貴

明 高 啟

江寒宿雨在落葉滿邨濕
留君繫君艇莫犯風潮急試
問欲歸城誰家借簾笠

秋陰

明 葛一龍

西爽忽自晦不知朝與昏
井上半殘葉湖中無遠村
桔槔幾日罷農牧相過存
雲澹一如水野風吹到門

七言古

細雨遙懷故人

唐 李建勲

江雲未散春風暖溟濛正在高樓見細柳緣堤少過人
平蕪隔水時飛燕我有近詩誰與和憶君狂醉愁難破
昨夜南窗不得眠閒階點滴迴燈坐

苕溪風雨中章德茂同泛

元黃潛

黑風翻江白雨傾檣欹柁側斷人行此時惟我與章子
孤舟蕩漾烟波裏蒹葭蒼蒼楊柳黃浩歌擊舷興彌長
翩然一葉恣掀舞青山白塔頻低昂朝過城南暮城北
舟人問我將誰適章子掉頭作吳語秋水夜來深幾許

忽看大字標竹林寺門對水仍陰陰敲門見竹不見人
竹間翠石何蕭森迴舟少林雨如注四顧冥茫但煙霧
魚驚龍躍吾不知披蓑却入菰蒲去岸傍羣兒拍手呼
笑言狂客世所無嗚呼古人今則無後來視我知何如
為君留此有聲畫題作扁舟煙雨圖

瀟湘夜雨

明宣宗

濃雲如墨黯江樹九疑山迷天欲暮蒼松巖下客維舟
魚龍鼓舞飛煙霧但見長空風雨來勢與雲夢相周迴

三湘淋漓瀉銀竹七澤洶湧翻春雷長江橫絕巴陵北
一水悠悠漾空碧洪濤巨漲頃刻中虹橋隐隐無人迹
前谿遙見野人家槿籬茅屋半欹斜高樓誰得江湖趣
坐聽蕭蕭對燭花隔浦鐘聲來遠寺曉色蒼涼喜開霽
青天萬里白雲收滿目湘山翠欲流

五言律

奉和詠雨應詔

唐許敬宗

舞商初赴節湘燕早迎秋飄絲交殿網亂滴起池漚激

澗分龍闕斜飛灑鳳樓崇方浹寓宸眴俯凝旒

奉和春日遊苑喜雨應詔

唐

李 嶠

仙蹕九重臺杳筵萬壽杯一旬初降雨二月蚤聞雷葉
向朝隣密花含宿潤開幸承天澤豫無使日光催

雨

李 嶠

西北雲膚起東南雨足來靈童出海見神女向臺廻斜
影風前合圓文水上開十旬無破塊九土信康哉

山行遇雨

唐
孫 遊

驟雨晝氤氳空天望不分暗山惟覺電窮海但生雲涉
澗猜行潦緣崖畏宿氛夜來江月霽棹唱此中聞

江閣對雨

唐杜甫

南紀風濤壯陰晴屢不分野流行地日江入度山雲層
閣憑雷殷長空面水文雨來銅柱北應洗伏波軍

梅雨

杜甫

南京犀浦道四月熟黃梅湛湛長江去冥冥細雨來茅
茨疎易濕雲霧密難開竟日蛟龍喜盤渦與岸迴

船下夔州郭宿雨濕不得上岸別王十二判官

杜甫

依沙宿舸船石瀨月娟娟風起春燈亂江鳴夜雨懸
鐘雲外濕勝地石堂煙柔櫓輕鷗外舍淒覺汝賢

春夜喜雨

杜甫

好雨知時節當春乃發生隨風潛入夜潤物細無聲野
徑雲俱黑江船火獨明曉看紅濕處花重錦官城

雨

杜甫

微雨不滑道斷雲疎復行紫崖奔處黑白鳥去邊明秋
日新雪影寒江舊落聲柴扉臨野碓半濕擣香杭

喜雨

杜甫

南國旱無雨今朝江出雲入空纔漠漠灑迴已紛紛巢
燕高飛盡林花潤色分晚來聲不絕應得夜深聞
和都官苗員外秋夜寓直對雨簡諸知己

唐 李嘉祐

多雨南宮夜仙郎寓直時漏長丹鳳閣秋冷白雲司營

影侵階亂鴻聲出苑遲
蕭條吏人散小謝有新詩

賦得暮雨送李渭

唐 章應物

楚江微雨裏建業暮鐘時
漠漠帆來重冥冥鳥去遲
海門深不見浦樹遠含滋
相送情無限沾襟比散絲

裴端公使院賦得隔簾見春雨

唐 包 何

細雨未成霖垂簾但覺陰唯看上砌濕不遣入檐深度
隙霑霜簡因風潤綺琴須移戶外屢檐溜夜相侵

雨夜贈元十八

唐白居易

卑濕沙頭宅連陰雨夜天共聽檐漏滴心事兩悠然把酒循環飲移牀曲尺眠莫言非故舊相識已三年

陰雨

白居易

風霧今朝重江山此地深灘聲秋更急峽氣曉多陰望闕雲遮眼思鄉雨滴心將何慰幽獨賴此北窓琴

雨中招張司業宿

白居易

過夏衣香潤迎秋草色鮮斜支花石枕卧詠蕊珠篇泥

渟非遊日陰沈好睡天能來同宿否聽雨對牀眠

孤山寺遇雨

白居易

拂波雲色重濛葉雨聲繁水鶯雙飛起風荷一向翻空
濛連北岸蕭庭入東軒或擬湖中宿罔船在寺門

細雨

唐
李商隱

蕭灑傍廻汀依微過短亭氣涼先動竹點細未開萍稍
促高高燕微踈的的螢故園煙草色仍近玉門青

盧氏池上遇雨贈同遊者

唐
溫庭筠

簾翻涼氣集谿上潤殘碁萍皴風來後荷喧雨到時寂寥閒望久飄灑獨歸遲無限松江恨煩君解釣絲

登樓值雨

唐
李咸用

江徼多佳景秋吟興未窮送來松檻雨半是蓼花風浪猛驚翹鶯烟昏叫斷鴻不知今夜客幾處卧鳴蓬

春霖

宋
韓琦

咫尺東郊路春霖絕未通銷閒生卉思醒睡費茶功樓迴昏昏霧窗寒霎霎風待晴桑陌上五馬恣璁瓈

真西山帥長沙禱雨

宋 戴復古

出郭問農事家家笑語聲有田皆足水既雨亦宜晴山
下谿流急街頭米價平明朝閒領客相見賀秋成

曉雨

宋 陸游

蕭瑟度橫塘霏微映繚牆壓低塵不動灑急土生香聲
入楸梧碎清分枕簟涼回頭忽陳迹檐角挂斜陽

和龍直夫祕校細雨

宋 僧道潛

薄霧兼寒雨凌晨靄未分細宜池上見清愛竹邊聞斗

帳侵闌夢虛櫓逼蕙薰晚來欣小霽釣箔映疎雲

雨

元 趙孟頫

撼撼衆葉響滋滋生意新知誰實揮灑解使盡圓勺蟲
網懸珠絡荷盤瀉汞銀喜涼生枕簟餘潤逼衣巾

江上雨

明 高啟

冥冥衆樹昏浩浩一江津急有迴風韻輕無入霧痕鳥
啼叢竹嶺人村落花邨門巷春泥滑誰來共酒尊

夏日喜雨

高啟

粉署依丹禁城高爽氣多好風天上至涼雨曉來過翠

島浮香霧瑤池淡綠波九重閒視草時復幸鑾坡

雨中舟行

明

于慎行

天闊雨冥冥孤帆過驛亭雲吞江樹白霧失曉峰青岸
鳥迎船濕河魚出網鯉生涯多少恨無處異飄萍

五言排律

奉和春日途中喜雨

唐

魏知古

皇輿向洛城時雨應天行麗日登巖送陰雲出野迎濯

枝林杏發潤葉渚蒲生絲入綸言喜花依錦字明微臣
奉東觀載筆佇西成

和李僕射雨中寄盧嚴二給事

唐張籍

郊原飛雨至城闕濕雲埋
迸點時穿牖浮漚欲上階偏
滋鮮籜竹并灑落花槐晚潤生琴匣
新涼滿藥齋從容朝務退放曠披曹乘
盡日無來客閒吟感此懷

監試夜雨滴空階

唐喻鳬

雲霎霎復潛潛飄松又灑槐氣濛濛
蜘蛛網檻聲疊蘚花階古
壁青燈動深庭濕葉埋徐垂舊鴛瓦
競歷小茅齋冷與陰蟲間清將玉漏諧
病身惟展轉誰見此時懷

七言律

積雨輞川莊作

唐王維

積雨空林煙火遲蒸梨炊黍餉東菑
漠漠水田飛白鶺
陰陰夏木啭黃鸝山中習靜觀朝槿
松下清齋折露葵
野老與人爭席罷海鷗何事更相疑

雨不絕

唐杜甫

鳴雨既過漸細微
映空搖飈如絲飛
階前短草泥不亂
院裏長條風乍稀
舞石旋應將乳子
行雲莫自濕僊衣
眼邊江舸何怱促
未得安流逆浪歸

賀李觀察禱河神降雨

唐耿湋

質明齋祭北風微
騶馭千羣擁廟扉
玉帛纔敷雲澹澹
笙鏞未徹雨霏霏
路邊五稼添膏長
河上雙旌帶濕歸
若出敬亭山下作
何人敢和謝玄暉

途中望雨懷歸

唐韋莊

滿空寒雨漫霏霏去路雲深鎖翠微牧豎遠當煙草立
飢禽閒傍渚田飛誰家樹壓紅榴折幾處籬懸白菌肥
對此不堪鄉外思荷蓑遙羨釣人歸

春雨即事寄襲美

唐陸龜蒙

小謝輕埃日日飛城邊江上阻春暉雖愁野岸花房凍
還得山家藥筭肥雙屐著頻看齒折敗裘披苦見毛稀
比鄰釣叟無塵事灑笠鳴簾夜半歸

和子淵學士春雨

宋韓琦

天幕沈沈淑氣溫雨絲輕軟墜雲根洗開春色無多潤
染盡花光不見痕寂寞畫樓和夢鎖依微芳樹過人昏
堂虛座密珠簾下試問淳于醉幾尊

北堂春雨

韓琦

葉葉輕雲障薄羅坐看膏澤灑庭柯風前芳杏紅香減
煙外垂楊綠意多聲落檐牙飛短瀑點明池面起圓波
晴來西北鳴闌望拂黛遙峰羣萬螺

有美堂暴雨

宋蘇軾

遊人腳底一聲雷
滿坐頑雲撥不開
天外黑風吹海立
浙東飛雨過江來
十分歎澀金尊凸
千杖敲鏗鞞鞚催
喚起謫仙泉灑面
倒傾鮫室瀉瓊琨

連雨張江

蘇軾

急雨瀟瀟作晚涼
卧聞榕葉響空廊
微明燈火耿殘夢
半濕簾帷浥舊香
高浪隱牀吹甕盎
閭風驚樹擺琳瑯
先生不出晴無用
留向空階滴夜長

次韻宏甫喜雨

宋沈與求

黃壘初看卷麥禾老農還復厭晴多四郊岸尾開新漬
一雨苗根長舊科已發政聲歸召杜更教詩律闢陰何
王孫欲識田家樂水滿溝塍涉可過

久雨

宋陸游

梅天一日幾陰晴對雨無聊醉不成巧歷莫能知雨點
孤桐那解寫谿聲林深鳥雀來無數草茂鋤耰去即生
明日雲開天萬里御風吾欲過青城

芒種後經旬無日不雨偶得長句

陸游

芒種初過雨及時紗厨睡起角巾欹
癡雲不散常遮塔
野水無聲自入池
綠樹晚涼鳩語閑
畫梁晝寂燕歸遲
閒身自喜渾無事
衣覆薰籠獨誦詩

雨

陸游

映空初作繭絲微掠地俄成箭簇飛
紙帳光遲饒曉夢
銅鑪香潤覆春衣
池魚鰊鰊隨溝出
梁燕翩翩接翅歸

惟有落花吹不去
數枝紅濕自相依

春雨

金馮延登

小雨濛濛潤土膏
谷風習習不驚條
晨煙半濕低平野
春水初生沒斷橋
已見鶯黃勻柳麥
更看檀紫上榆椒
從今樂事知相繼
擲比雲平看龍苗

春雨

元楊載

濛濛春雨暗重城
莽若山林雲氣生
駕過東朝沾羽蓋
仗移前殿濕霓旌
蒼松密掩巖頭鶴
翠柳深藏谷口鶯

明日不愁花爛熳新晴陌上有人行

明照坊對雨

元宋 裳

章臺車馬去如流白雨霏烟拂畫樓九陌平鋪明似練
兩溝急瀉碧于油美人虹見西山霽少女風來北里秋
涼意滿襟簾幕卷宮鵠歸樹夕陽收

雲巖值雨

明高啟

深殿長廊映竹開鳥聲忽斷雨聲催
鮮生偏上題詩壁
花落還臨說法臺林下聞鐘諸客散
澗邊汲水一僧來

晚晴更好看山色西閣凭闌獨未廻

東郊時雨

明 李東陽

鳴鳩將雨過東林
細草青郊望轉深
潤入土膏春脈脈
暝含山色畫沈沈
尋花問柳遊人興
荷鉢扶犁野老心
見說帝城多景物
春晴未必勝春陰

禁中對雨

明 沈一貫

回風度雨近金鑾
高閣踈簾隱几看
乳燕營巢欣土潤
嬌鶯擲柳怯枝寒
添流欲染方春色
拂座應憐獨冷官

目送餘雲過別殿不知銀鑰動闌干

五言絕句

夜雨

唐

白居易

早蛩啼復歇殘燈滅又明隔窓知夜雨芭蕉先有聲

微雨夜行

白居易

漠漠秋雲起稍稍夜寒生自覺衣裳濕無點亦無聲

滯雨

唐

李商隱

滯雨長安夜殘燈獨客愁故鄉雲水地歸夢不宜秋

細雨

李商隱

帷飄白玉堂
簾卷碧牙牀
楚女當時意蕭蕭
鬢彩涼

微雨

李商隱

初隨林靄動
稍共夜涼分
窗迥侵燈冷
庭虛近水聞

詠雨

唐楊凝

塵裏多人路
泥歸足
燕家可憐
繚亂點濕盡
滿宮花

雨

金高汝勵

時雨雨三日
田家家萬金
有年天子慶
謀國老臣心

雜興

元周權

涼蟾淨如洗酒醒夜初寂山檐宿雨多空階響餘滴

雨中過玉遮山

明高啟

尋鍾入蒼茫一磽復一崦落葉去方深山扉雨中掩

江行

明李東陽

日出青蘋濕江渾路不分昨宵驅雨至知是海南雲

過濱湖泊石浦

明程元輔

沙蒲偃秋風湖雲藏夕雨何處遠行人飛帆下石浦

雨後雜興

明 王叔承

秋雨欲浮邨青螺上牀脚日出過東鄰船頭繫籬落

七言絕句

春遊值雨

唐 張旭

欲尋軒檻列清尊江上烟雲向晚昏須倩東風吹雨散
明朝却待入花園

苦雨聞包諫議欲見訪戲贈

唐 盧綸

草氣樹烟咽不開繞牀連壁盡生苔常時多病因多雨

那敢煩君車馬來

雨聲

唐元稹

風吹竹葉休還動
雨點荷心暗復明
曾向西江船上宿
慣聞寒夜滴蓬聲

聽雨聲寄盧綸

唐李端

暮雨蕭疎過鳳城
霏霏颭颭重還輕
聞君此夜東林宿
聽得荷池幾番聲

宮詞

唐王涯

霏霏春雨九重天漸暖龍池御柳烟玉輦遊時應不避
千廊萬屋自相連

謝亭送別

唐許渾

勞歌一曲解行舟紅葉青山水急流日暮酒醒人已遠

滿天風雨下西樓

雨

唐杜牧

連雲接塞添迢遞灑幕侵燈送寂寥一夜不眠孤客耳

主人窗外有芭蕉

咸陽值雨

唐溫庭筠

咸陽橋上雨如懸萬點空濛隔釣船還似洞庭春水色
晚雲將入岳陽天

登咸陽縣樓望雨

唐韋莊

亂雲如獸出山前細雨和風滿渭川盡日空濛無所見

鴈行斜去字聯聯

撫州江口雨中作

韋莊

江上閒衝細雨行滿衣風灑綠荷聲金騮掉尾橫鞭望

猶指廬陵半日程

淮雨

宋

梅堯臣

雨脚射淮鳴萬鏃跳點起漚魚亂目濕帆遠遠來未收
雲漏殘陽生半幅

六月二十七日望湖樓醉書

宋

蘇軾

黑雲翻墨未遮山白雨跳珠亂入船卷地風來忽吹散
望湖樓下水如天

舟行

宋

張耒

落景秋雲晚不開天寒古岸野船回初驚波面微瀾起
已覺風前細雨來

雨中

宋 鄭 浩

五月陰沈久不開冷風吹雨滿天街老農莫漫憂蠶麥
丞相祈晴已宿齋

舟次龜湖

宋 朱 樟

山雨疎疎心又驚起瞻天色斗微明他年一枕江關夢
知憶蓬窗此夜聲

和喜雨

宋朱子

黃昏一雨到天明
夢裏豐年有頌聲
起望平疇烟草綠
只應投筆事農耕

小雨

宋楊萬里

雨來細復疎
縱不能多不肯無似如
詩人山入眼
千峰故隔一簾珠

秋雨

楊萬里

濕侵團扇不能輕
冷逼孤燈分外明
蕉葉半黃荷葉碧

兩般秋雨一般聲

冬夜聽雨戲作

宋 陸游

少年交友盡豪英妙理時時得細評老去同參惟夜雨
林香臥聽畫檐聲

小酌元衛弟聽雨

宋 樓鑰

小閣臨流暑氣清
鶴花的的照人明
移牀更近欄邊坐
要聽碁聲雜雨聲

西城雨中

金 周 昴

草露幽香不動塵。細蟬初向葉間聞。溟濛小雨來無際。
雲與青山澹不分。

山中雨

金 刘 昴

嵩高山下逢秋雨。破繖遮頭過野橋。此景此時誰畫得。
清如窗外聽芭蕉。

春早

金 段繼昌

斷冰消盡荻芽尖。凍蘚蘇來白。脣添幾片野雲飛不去。
晚風吹作雨纖纖。

日晏

元
范
樽

昨日相期早出郊今朝日晏未開門可人一夜東風雨
綠徧天街舊草痕

宮詞

元
納
新

廣寒宮殿近瑤池千樹垂楊綠影齊報道夜來新雨過
御溝春水已平隄

煙雨中過石湖

元
倪
瓊

煙雨山前度石湖一奩秋影玉平鋪何須更剪松江水

好染空青作畫圖

其二

姑蘇城外短長橋煙雨空濛又晚潮載酒曾經此行樂

醉乘江月卧吹簫

吳興道中

元 張雨

扁舟偶趁采樵風題扇書屢莫惱公何處人間無六月

碧瀾堂上雨聲中

風雨早朝

明 高啟

漏屋鷄鳴起。濕烟塞驢難。借強朝天却。思春水江南岸。

閒聽蓬聲卧釣船

題張元琛蓬窗

明

葉子奇

銀絲魚簷碧。芹羹美。曾記扁舟越。上行今日小軒風味似。

滿川風雨看雲生

口號

明

程嘉燧


漱壑淘林殷戶雷。冥冥松際失崔嵬。山窗五月寒如水。
知是湖橋暮雨來。

夏景

明 張宇初

深院碁聲日正長
博山添火試沈香
道人鞭起龍行雨
帶得東潭水氣涼

御定佩文齋詠物詩選卷十



總校官庶吉士臣侍朝
校對官中書臣王璣
謄錄監生臣陳煜
謄錄監生臣李承寧

欽定四庫全書叢要

集部

御定詠物詩選卷十一至十四

詳校官原任主事
臣李斯咏

欽定四庫全書薈要卷一萬八千六百三十三集部

御定佩文齋詠物詩選卷十一

霧類

五言古

詠霧

梁元帝

曉霧晦階前垂珠帶葉邊五里浮長隰三晨暗遠天傍
通似佳氣却望若飛煙疎簾還復密斷岫更疑連還思
逢樂廣能令雲霧褰

其二

三晨生遠霧五里間城闕從風疑細雨暎日似游塵乍若飛煙散時如佳氣新不妨鳴樹鳥時蔽摘花人

舟行值早霧

梁伏挺

水霧雜山煙冥冥不見天聽猿方忖岫聞瀨始知川漁人惑澳浦行舟迷泝沿日中氣靄盡空水共澄鮮

賦得霧

梁沈超

窈鬱蔽園林依霏被軒牖睇有始疑空瞻空復如有游

蛇隱遙漢文豹棲南阜既殊三五輝遠望徒延首

詠霧應詔

北周 王褒

七條開廣陌五里闢朝氛帶樓凝海氣含蓋似浮雲方
從河水上預奉綠圖文

賦得花庭霧

唐 太宗

蘭氣已熏宮新蕊半妝叢色搖輕重霧香引去來風拂
樹濃舒綠繁花薄散紅還當雜行雨彷彿隱遙空

凌霧行

唐 韋應物

秋城海霧重職事凌晨出浩浩合元天溶溶迷朗日纔
看含鬢白稍視沾衣密道騎全不分郊樹都如失霏微
誤噓吸膚腠生寒慄歸當飲一杯庶用蠲斯疾

水亭夜坐賦得曉霧

唐 李益

月落寒霧起沈思浩通川宿禽轉木散山澤一蒼然漠
漠沙上路沄沄洲外田猶當依遠樹斷續欲窮天

五言律

賦得遠山澄碧霧

唐 太宗

殘雲收翠嶺夕霧結長空帶岫凝金碧障霞隱半紅彷
彿分初月飄颻度曉風還因三里處冠蓋遠相通

詠霧

唐董思恭

蒼山寂已暮翠觀間將沈終南晨豹隱巫峽夜猿吟天
寒氣不歇景晦色方深待訪公超市將予赴華陰

詠霧

唐蘇味道

氤氳起洞壑遙裔匝平疇乍似含龍劍還疑映蜃樓拂
林隨雨密度逕帶煙浮方謝公超步終從彥輔遊

霧

唐 李 嵊

曹公迷楚澤漢帝出平城涿野妖氣靜丹山霽色明類
烟飛稍重方雨散還輕儻入非熊繇寧思玄豹情

大霧過安慶

元 傅若金

水郭浮鮫室雲帆度客星江空連海白山遠入淮青訪
古聊須到乘流未可停遙疑天柱曉風霧颭精靈

五言排律

晨霧

明 楊 慎

安寧之交杪秋初冬天將晴霽晨必大霧千里一白如銀色界須臾日出霞彩輝煥亦竒觀也

玄冥當凜節白霧翳晨朝明月朦朧閣清霜曠樹橋冰澌工纖水花泓慣封條嵐市天褰幕煙坰陸湧潮鳬亹迷獨釣鹿徑滑歸樵丈采南山豹威稜北塞貂駟星叔
門門羲景煥昭昭梅信懸知近憑他酒旆招

七言律

早霧

宋趙朴

山光全暝水先浮數里霏霏曉霧收露彩乍凝藏漢殿
日華不透掩秦樓豈饒文豹遲留影應有靈蛇取次遊
聖世妖氛消已盡結成佳氣滿南州

花霧

元

謝宗可

倦紫酣紅總未醒暗薰芳液滴無聲羅幃隱繡迷春色
綺縠籠香護曉晴薄暝枝頭留睡蝶輕陰樹底咽啼鶯

東風卷到闌干曲半濕游絲舞不成

詠霧松

明楊慎

怪得天雞誤曉光青腰玉女試銀妝瓊敷綴葉齊如剪
瑞樹開花冷不香月白詎迷三里霧雲黃先兆萬家箱
貧兒飯筭歌聲好六出何須賀謝莊

忠州霧泊

明鍾惺

漁艇官舟曉泊同蜀江愁霧不愁風煙生野聚汀寒外
雲滿山城水氣中曲岸川迴翻似盡遙天峰沒却如空
依稀往日丹楓路稍見霜前遠近紅

五言絕句

閒泛

明 僧大遂

無事亦波間孤舟覺自閒樹邊春霧斂尖露幾重山

七言絕句

霧松

宋 曾 翠

園林日出靜無風霧松化開樹樹同記得集賢深殿裏
舞人齊挿玉瓊璁

房陵

宋 陳 造

陰晴未敢捲簾看
苦霧濛濛尚未乾
政使病餘剛止酒

一杯要敵澇朝寒

自注晨起霧久乃散土人目曰澇朝

霧中見靈山依約不真

宋

楊萬里

東來兩眼不曾寒
四顧千峰掠曉鬟
天欲惱人消幾許
只教和霧看靈山

曉行

宋

葛長庚

雨餘花點滿紅橋
柳絮沾泥夜不消
曉霧忽無還忽有
春山如近復如遙

水邨霧

葛長庚

淡處還濃綠處青江風吹作雨毛腥起從水面繁層嶂
恍似簾中見畫屏

夾蘿峰

明顧源

紅日繞生暘谷東魚龍吹浪曉濛濛徜徉笑指三山路

玉窟銀牀紫霧中

題米元暉山水小景贈陳原貞別

明僧似杞

江頭雨足春水生
江上青山煙樹暮
扁舟明發去如飛
目斷征帆入蒼霧

御定佩文齋詠物詩選卷十一

欽定四庫全書薈要卷一萬八千六百三十四

集部

御定佩文齋詠物詩選卷十二

露類

四言古

甘露頌

北齊邢邵

休徵屢動感極迴天流甘委素玉潤冰鮮密房下結珠
琲上懸布濩林野灑散旌旃

芳林園甘露頌

北齊梁神淳

福以德彰慶沿業皎矧茲嘉露因祥特表翻潤星夕流
甘月曉竒越彤氛珍逾素鳥至道伊融大化期肇惟此
大化實感天眷降液丹墀飛津綺殿九服依風八荒改
面敢述謄詞式旌舞忭

五言古

賦得露

梁顧煊

飛空猶蘊狀集物始呈華萎黃壓秋筍厭浥長春芽非
惟溥蔓草頗亦變蒹葭仍增江海浪聊點木蘭花

驚早露

梁劉愬

九畹凝芳葉百草莖新珠盈荷雖不潤拂竹竟難枯

詠采甘露應詔

陳江總

祥露曉氤氳上林朝暉朗千行珠樹出萬葉瓊枝長徐
輪動仙駕清晏留神賞丹水波濤泛黃山煙霧上風亭
翠旆開雲殿朱絃響徒知恩禮洽自慚名實爽

應詔甘露詩

北齊邢邵

宵露且漸洽凝液內於草木盡沾被玉嚴復珠霏誰

謂宜昊遠道合若應機

詠露

唐董思恭

夜色凝仙掌晨甘下帝庭不覺九秋至遠向三危零蘆
渚花初白葵園葉尚青晞陽一灑惠方頤益滄溟

尹相公京兆府中棠樹降甘露詩

唐岑參

相國尹京兆政成人不欺甘露降府庭上天表無私非
無他人家豈少羣木枝被茲甘棠樹美掩名伯詩團圓

甜如蜜晶晶凝若脂千柯玉光碎萬顆珠葉垂崑崙
時來慶雲相逐飛魏宮銅盤貯漢帝金掌持王澤布人
和精心動靈祇君臣日同德禎瑞方潛施何術令大臣
感通能及茲忽驚政化理暗與神物期却笑趙張輩徒
稱古今稀為君下天酒麴葉將用時

五言律

秋露

唐

駱賓王

玉闕寒氣早金塘秋色歸泛掌光逾淨添荷滴尚微變

霜凝曉液承月委圓輝別有吳臺上應濕楚臣衣

露

唐 李 嶠

滴瀝明花苑歲蕤泣竹叢玉垂丹棘上珠湛綠荷中夜
警千年鶴朝零七月風願凝仙掌內長奉未央宮

白露

唐 杜 甫

白露團甘子清晨散馬蹄圃開連石樹船渡入江谿憑
几看魚樂廻鞭急鳥棲漸知秋實美幽徑恐多蹊

五言排律

賦得金莖露

唐徐敞

漢帝貴長生延年餌玉英銅盤滴珠露仙掌抗金莖拂
曙氣埃斂凌空沆瀣清岩峯捧瑞氣龍從出宮城勢入
浮雲聳形標霽色明大君當御宇何必去蓬瀛

賦得清露被臯蘭

唐孫顧

九臯蘭葉茂八月露華清稍與秋陰合還將曉色并向
空羅細影臨水泣微明的皪添幽興芊緜動遠情夕芳
人未采初降鶴先驚為感生成蕙心同葵藿傾

賦得春草凝露

唐

張友正

蒼蒼芳草色含露對青春已賴陽和長仍慙潤澤頻日
臨殘未滴風度欲成津蕙葉垂偏重蘭叢洗轉新將行
愁衰徑欲采畏濡身獨愛池塘畔清華遠襲人

五言絕句

詠露珠

唐元稹

秋荷一滴露清夜墜元天將來玉盤上不定始知圓

七言絕句

奉和三日祓禊渭濱應制

唐張說

青郊上已艷陽年
紫禁皇遊祓渭川
幸得歡娛承湛露
心隨草樹樂春天

甘泉歌

唐王昌齡

乘輿執玉已登壇
細草沾衣春殿寒
昨夜雲生拜初月
萬年甘露水晶盤

長安秋夜

唐李德裕

內官傳詔問戎機
載筆金鑾夜始歸
萬戶千門皆寂寂

月中清露點朝衣

秋思

唐王涯

宮連太液見滄波暑氣微消秋氣多
一夜輕風蘋末起

露珠翻盡滿池荷

露

唐袁郊

湛湛騰空下碧霄地卑濕處更偏饒
苔茅豐草皆沾潤

不道良田有旱苗

野塘

唐韓偓

侵曉乘涼偶獨來不因魚躍見萍開卷荷忽被微風觸
瀉下清香露一杯

中秋前偶成

元虞集

空林月落大如盤雞犬無聲曉氣寒童子擬謀朝一食
玉杯盛得露溥溥

上京即事

元薩都拉

五更寒襲紫毛衫睡起東窗酒尚酣門外日高晴不得
滿城濕露似江南

絕句

元 吳景奎

蘆花方褥竹方牀
葛帳含風蓮簟涼
半夜起來山月白
滿天清露灑衣裳

江上曲

明 劉基

月出前山青黛寒
雁聲遙下碧雲端
草頭錯認驥珠吐
自是西風白露團

小游仙

明 王澤

獨繞瑤壇歌洞章
青天如水月華涼
閒將一掬芙蓉露

乞與神龍作雨香

御定佩文齋詠物詩選卷十二